

di l'avogaria, e quel che jera dentro Bombiza da Muja, e rompesemo la cadena e andasemo dentro del muolo, che se a la porta; e comenzemo a tirar quelle barche per montar dentro, e credemo che la posa arivar in terra, le urta su quelle piere, che jera cazude del muro, che à roto el teramoto, e quei 40 homeni, che era in barcha a far la varda, saltò su, e messe man per le arme, e fossemo a le man pi de meza hora, e avanti stesemo pi de una hora in terra a romper la cadena del muolo, con tanto remor che mai homo non parse su le mure. Le barche, che dovea vegnir drio, se astalò. La barcha mia conserva, a largò de Trieste, mezo mio; le altre barche, che vegniva drio de quella, se astalò tutte, e fo numero 19, e non ne vene de longo al muolo, secondo l'ordene che i di' a tutti; e tutti coloro che jera in quelle barche, con quei che feva la varda, vene su el muolo. Quei puochi, che iera con mi, tutti se messe a scampar su quelle tre barche che desmontasemo, e se largò la mia, ch'è dai monti in terra, e andò via; e romaxe la barcha de l'avogaria e quella del Bombiza de Muja. Mi sollo romaxi in terra e stiti un gran pezo a combater con essi, che mai l'horo non ne poteva far niente. Parte de l'horo se partì in do parte, e veneme da l'altra parte, e meseme de mezo, per tal modo che avi pi de trenta botte su la curazina, e su l'elmo, e su le braze. Uno intrò in mezo de l'elmo e del barboto e me ferì su la faza; de bote di piche me fo dado su l'elmo, e, sotto l'elmo, me fo roto la testa. Quando me viti si malmenao e salti in aqua con l'elmo e con la curaza e le manege forte; l'elmo me fexe andar a fondi, e butì la spada in aqua via e me chavi l'elmo, e vini de sora, e me missi a nuar in ver mar, e trovi la barcha de l'avogaria, e me à levà, ch'è non poteva niente pi. I ma levà con la curaza indosso e con le manege forte; e domandè al capetanio de l'avogaria, esso ve mostrerà i homeni che jera in quella barcha; e domandè al podestà de Muja, ch'è qua, missier Piero Moro, che l'à inteso el tutto da quella barcha, che era Bombiza con i so compagni.

71 *A di 23 april, da matina.* Nulla fo dito esser di novo.

Da poi disnar fo pregadi, et leto le lettere in questi di venute.

Fu posto, per li savij, che tutti quelli pagavano tansa perssa, dovesseno, fra certo termine, aver pagà a li governadori de l'intrade, zoè fin a di X mazo, una tansa perssa, et, pagando, habino il don X per 100. Et fu presa.

Fu leto il marcha' di domino Agustim Gixi, vol far con la Signoria nostra, dando certi danari di contadi e alumi *etc.*, come dirò di soto; è terminà di balotarlo poi, el qual, prima, fo proposto al consejo per sier Alvixe da Molin, savio dil consejo.

Fu posto, per li savij, una lettera a l'orator nostro in corte, justa il solito; aver ricevuto sue lettere, e fazi bon animo al papa *etc.* Fu presa.

Fu posto, per li diti, che per il colegio siano electi 3, uno per hordine, qualli per uno mexe vadino per li officij a sollicitar li danari, con grande autorità *etc.*, *ut in parte.* Et fu presa; 4 di no. E cussi poi fonno electi: sier Alvise Malipiero, consier, sier Zacaria Dolfim, savio dil consejo, et sier Alvixe Pixani, savio a terra ferma, i qualli andono per uno mexe.

Et, licentiatò el pregadi, restò consejo di X con la zonta; e pregadi vene zoso a horre 22.

*Di Roma, di Piero Rizo, maistro di corrieri, vidi lettere di 16, drizzate a sier Zuam Badoer, dotor et cavalier.* Qual scrive cussi, chi dize il papa farà acordo, e chi dize di no. Uno corier spagnol, vien di Savoja, dice, assa' ciprioti esser a la corte; e, si dice, il re di Spagna à promesso lo reame di Cypri per dota di la moglie dil ducha di Savoja, qual è la mojer fo di re Ferandino di Napoli. A Napoli hanno fato provision di 500 bote di vin, e tutti li navilij, de 50 bote in suso. Se retien, e dicesi, si fa 500 lanze nel Reame, e li dimanda 300 milia ducati, e se dia scuoder uno ducato d'oro per fuogo; Dio ne ajuta.

*A di 24, fo la veziglia di San Marco.* Fu 71\* posto le zoje sopra l'altar, justa il solito, per sier Antonio Grimani e sier Andrea Venier, procuratori; et il principe, da poi disnar, vene a vespero a San Marco con l'orator dil papa e il primocierio. Et portò la spada sier Francesco Michiel, va provedador a Vegia; fo suo compagno sier Marco Donado, *quondam* sier Bernardo.

Vene lettere di la corte, di l'orator nostro, di 22, da Bologna. Il sumario di le qual scriverò di solo.

Noto. Eri parti sier Madalin Contarini, sopraco-mito di galia bastarda, va a Chioza; et sier Antonio Lion e sier Piero Polani armano.

*Item,* achadete, che a San Trovaso in chiesia e sul campo, in questi zorni, uno frate di San Stephano, chiamato frate Marco Felice da . . . . ., qual predichò li questa quaresima a San Trovaxo, fece alcune prediche contra *hebracos*, et a udirle andono alcuni hebrei, ma niuna operatione fece.